



Vogošća, ul. Jošanička, br. 80; tel: 00387 33 586 413, fax: 586 418

Broj:07/14-925/17

Vogošća, 12.09.2017. godine

Na osnovu člana 70. Zakona o javnim nabavkama BiH ("Službeni glasnik BiH" broj: 39/14), i čl. 71. i 125. Statuta Općine Vogošća ("Službene novine Kantona Sarajevo", broj 27/14 i 14/15 Prečišćeni tekst), Općinski načelnik dana 12.09.2017. godine donio je

**ODLUKU
O IZBORU NAJPOVOLJNIJEG PONUĐAČA ZA PRUŽANJE USLUGA REDOVNOG ČIŠĆENJA
I ODRŽAVANJE HIGIJENE ZGRADE OPĆINE VOGOŠĆA**

Član 1.

Ponuda ponuđača "GREENLINE" d.o.o. Sarajevo, ulica Ahmeda Rizve broj 2. Vogošća, odabrana je kao jedina prihvatljiva ponuda po kriteriju najniže cijene za pružanje usluga redovnog čišćenja i održavanja higijene zgrade Općine Vogošća, sa ukupnom cijenom nabavke u iznosu od 18.930,00 KM bez uračunatog PDV-a, odnosno 22.148,10 KM sa uračunatim PDV-om.

Član 2.

Ovom Odlukom stavlja se van snage Odluka o izboru najpovoljnijeg ponuđača za pružanje usluga redovnog čišćenja i održavanje higijene zgrade Općine Vogošća broj: 07/14-925/17 od 06.07.2017. godine.

Član 3.

Ova Odluka stupa na snagu danom donošenja, a objaviće se na web stranici Općine Vogošća, istovremeno s upućivanjem ponuđačima koji su učestvovali u postupku javne nabavke, u skladu sa članom 70. stav 6. Zakona o javnim nabavkama.

OBRAZLOŽENJE

Dana 06.07.2017. godine Ugovorni organ je donio Odluku o izboru najpovoljnijeg ponuđača broj 07/14-925/17 kojom je kao najpovoljniju ponudu u postupku javne nabavke-usluga redovnog čišćenja i održavanja higijene zgrade Općine Vogošća izabrao Ponudu ponuđača "SAMSIC" d.o.o. Sarajevo.

Na predmetnu Odluku izjavljena je žalba od strane ponuđača "GREENLINE" d.o.o. Sarajevo dana 10.07.2017. godine.

Ured za razmatranje žalbi-Filijala Mostar je rješavajući po žalbi ponuđača "GREENLINE" d.o.o. Sarajevo donio Rješenje broj: JN2-03-07-1-729-8/17 od 24.08.2017. godine, kojim je od šest žalbenih navoda, dva žalbena navoda prihvatio kao osnovana, i to:

- da je Ugovorni organ bio dužan zatražiti obrazloženje neprirodno niske ponude, ako je cijena ponude za više od 20% niža od drugorangirane ponude, a što je Ugovorni organ propustio;
- da je aktuelni Izvod iz sudskog registra, koji se sastoji od tri lista, morao biti ovjeren pečatom na svakom listu, a što je Ugovorni organ previdio kod ponuđača "SAMSIC" d.o.o. Sarajevo.

Shodno navedenom Komisija je konstatovala da Ponuda ponuđača "SAMSIC" d.o.o. Sarajevo nije formalno pravno ispravna i kao takva nije prihvatljiva.

U skladu sa Rješenjem Ureda za razmatranje žalbi broj: JN2-03-07-1-729-8/17 od 24.08.2017. godine, Komisija je pristupila ocjenjivanju preostale Ponude ponuđača "GREENLINE" d.o.o. Sarajevo i konstatovala da Ponuda ponuđača "GREENLINE" d.o.o. Sarajevo ispunjava formalno pravne uslove tražene tenderskom dokumentacijom, te je izvršena računska provjera dostavljene ponude i utvrđeno je da ista nema računskih grešaka.

Iz navedenih razloga, a primjenom člana 64. stav 1. tačka b) Zakona o javnim nabavkama BiH ("Službeni glasnik BiH" broj: 39/14), Komisija je jednoglasno dala preporuku Općinskom načelniku da donese Odluku o izboru najpovoljnijeg ponuđača "GREENLINE" d.o.o. Sarajevo, kao jedine prihvatljive ponude po kriteriju najniže cijene za pružanje usluga redovnog čišćenja i održavanja higijene zgrade Općine Vogošća, sa ukupnom cijenom nabavke u iznosu od 18.930,00 KM bez uračunatog PDV-a, odnosno 22.148,10 KM sa uračunatim PDV-om.

Pouka o pravnom lijeku: Ponuđač koji je učestvovao u postupku nadmetanja može radi zaštite svojih prava, u roku od pet dana od prijema Odluke o izboru najpovoljnijeg ponuđača izjaviti žalbu. Žalba se podnosi Uredu za razmatranje žalbi BiH putem Ugovornog organa.

Dostavljeno:

1. "SAMSIC" d.o.o. Sarajevo
2. "GREENLINE" d.o.o. Sarajevo
3. O.R. "TEMIZ" Vogošća
4. Nadležnoj Službi
5. U dosije
6. a/a

033/450-911

033/424-095

